

أنا : إيه ده . . ؟

هي : باقول للقطعة والقط اللي فايقين ورايقين عالصبح .

أنا :

هي : عارف الشنطة الورق اللي هناك دي .. هو ده اللي ناقصني .
كل يوم الشنطة دي مليانة روشات ! .. روشات كتبها دكتور
اعتزل الطب . . دكتور معروف جداً . . وقد درس الطب في
الخارج . . وهو الآن لايؤمن بالطب . . أنه يداوى الناس بالبخر
والأحجية والفسوخة . .

أنا : إيه ده مش فاهم أنت بتخرفني وتقولى إيه . . ؟ عاوري
تقولى إيه . . ؟

هي : مش عاوزه أقول حاجة .. كل اللي أنا عاوزه هو أنى
أرمى الروشات دي في الشارع . . عاوزه أديها للبواب . . أو لينت
البواب . . اللي تلميذة في الجامعة . . أنها تكمل دروسها . . أنها
أحسن مني . أنا اختصرت الحياة . . وأعيش الآن مع رجل اختصرته
الحياة .. عارف الروشات دي تبقى إيه يازوجي العظيم؟ يازوجي
الشاب . . أقصد الشايب . . إنها كتب حضرتك . . كتب حضرتك
اللي سهرت فيها الليالي . . ونمت فيها الشهور . . وجعلت من
صفحاتها سريراً من الحرير ومخدرات من ريش النعام ، ومن كلماتها